

溫江縣志卷一

建置第一

溫江延袤近百里皆平疇膏腴沃衍大江縈帶桑麻之淵文章之府歷唐宋元明清上下千餘年間天迴地轉人事締造變遷興廢之蹟雖波流雲散不盡可考而其犖犖可述者固未盡與寒煙蔓草並沒也爰舉建置年代及其本末冠於篇首以示後焉

設治始末

溫江縣爲古蜀魚鳧王都西魏恭帝二年置屬益州蜀

溫江縣志

卷一

建置

一

郡治於此是爲溫江縣最初建置時代隋開皇三年省入郫縣仁壽三年改置萬春縣大業二年又省入郫縣唐武德三年復置萬春縣貞觀元年改爲溫江屬劍南道益州縣名始定

溫江縣未置以前在唐虞夏屬梁州商周屬雍州春秋戰國屬蜀國蜀之爲國最古黃帝爲其子昌意娶蜀山氏女生帝顓頊後封其支庶於蜀世爲侯伯歷夏商周武王伐紂蜀與焉周失綱紀有蜀侯蠶叢始稱王次王曰栢灌次王曰魚鳧王田於湔山隱去蜀人思之爲立





祠今温江縣城北十二里有魚鳧城遺址相傳爲魚鳧王都是爲温江秦漢前古蹟之最  
有徵者魚鳧後王曰杜宇徙都郫號望帝其相鼈靈決玉壘山除水害杜宇禪位鼈靈鼈靈王蜀號開明氏傳十二世爲秦所滅秦始皇改蜀國爲郡因杜宇故都置郫縣今温江縣皆郫縣地漢分屬郫江原二縣後漢因之晉屬蜀郡郫江原二縣後分屬晉原郡宋因之齊屬蜀郡郫縣分屬晉康郡江原縣梁屬蜀郡郫縣分屬江原郡江原縣西魏尉遲迴克取成都後始分郫南境江原東境爲温江縣

温江縣志

卷一

建置

二

川上

温江縣旣置以後隋唐間迭有變革貞觀初改萬春爲温江自是遂相沿不復改天寶元年屬劍南道蜀郡至德二載屬劍南西川成都府宋太平興國六年屬益州節度嘉祐五年屬成都路元屬四川行中書省成都路明屬四川布政司成都府清屬四川布政司成綿道成都府中華民國屬四川省西川道

曾學傳曰縣治新開江繞其北東楊柳江纏其西南二水環流舊皆被温江之名以江水温潤故也邑人



士號溫江爲湔江於實無徵其殆以魚鳧王田於湔山而誤及之歟漢書地理志玉壘山湔水所出湔山當卽玉壘也玉壘在灌縣境邑湔水東流經廣漢入雒於溫江南北闊如不相涉也楊慎全蜀藝文志載楊天惠瑞芝頌云給園之中湔水之滄胡叔豹溫江龍興寺無盡圓通會記云湔江之東有大寶刹其誤蓋七八百年於茲矣舊志引李吉甫元和郡縣志文翁穿湔江灌溉二水環城而下雲煙出沒草木蕃麗邑屋相望雞犬之聲相聞想見潤澤生民爲蜀計者至矣李志所謂湔江卽華陽國志所謂湔江口溉灌繁田者也李志所謂二水乃郫流二江環錦城而下豈謂吾新開楊柳二江哉吾人生長斯土相沿不察可乎因附著篇首正之

疆界

溫江縣在省城西少南五十里東西袤九十五里南北廣四十二里東至蘇坡橋三十五里交成都縣界西過石虎壩抵界牌六十里交灌縣界南至輪金橋二十五里交崇慶縣界北至魚鳧橋十七里交郫縣界東北至



三邑橋二十四里交成都郫縣界東南至瓦窑灘二十  
六里交雙流縣界西南至樂豐橋十八里交崇慶縣界  
西北至清遠場三十里交郫縣界

區域

縣城居中城外曰廂廂外曰鄉明設七鄉東曰安谷東  
北曰長春西曰維新西北曰全集南曰太平北曰廣福  
自北而西曰行義清順治十六年分設二鄉曰維新曰  
太平康熙初改爲三甲西北爲一甲曰天生堰曰太平  
雙屯北東爲二甲曰天王寺曰華嚴寺自東而南而西

溫江縣志

卷一

建置

四

爲三甲曰羅家村狄家漕尙義村鄉人目三甲爲三鄉  
一甲爲全集鄉二甲爲太平鄉天王寺曰北太平鄉華  
嚴寺曰東太平鄉三甲爲維新鄉羅家村曰東維新鄉  
狄家漕曰南維新鄉尙義村曰西維新鄉民國分爲五  
區城廂曰城區東維新鄉及東太平鄉爲東區南維新  
鄉及西維新鄉爲南區全集鄉爲西區北太平鄉爲北  
區

縣城

溫江縣治在新開楊柳二江之間鳳溪襟其前蘇溪帶



其後舊爲土城明成化間邑令李棠築石城周六百六十一丈爲門五正統間邑令段善鑿池深八尺闊一丈清乾隆九年邑令馮中存始增築城上女牆三十年邑令海桂始改修磚城後令謝泰宸林儁續成之周七百三十七丈六尺計程四里一分城門樓五東門曰和甯南曰贊元曰文明西曰慶豐北曰拱宸東城樓曰迎暉南曰萬春曰南薰西曰來鳳北曰望京嘉慶間城圯邑令李紹祖繕城工竣於城外掘濠緣隄植柳七百株號柳城咸豐末因滇匪之亂砍伐無餘

溫江縣志

卷一

建置

五

川名川

清邑人王侃登迎暉樓詩往古魚鳧國登樓欲放歌壯懷空宇宙盛氣挽山河事作千秋想時憂一瞬過男兒須稱願何意老吟哦

清邑人趙鍾靈曉登東城迎暉樓感詠江外朝霞飛霞外春城古城外柳浮煙一樓日初吐我時登樓望霽暉照寒圃百雉排參差萬鴉自飛舞殘月景陽鐘橋頭曙色苦惟餘葵藿忱遙落扶桑浦長叫魚鳧王愁雲下天府愴懷百代事治亂不可數何處上東門狂嘯忽騰虎胡雛亦雄姿乃敢腥中土一幅古江山



清愁掛肺腑舉手招六龍義和轡如組俯視青茫茫  
萬里入平楚逝將捧日飛去天只尺五 又登望京  
樓詩萬里西風外孤城北斗陰肯將憂國淚迸入倚  
樓吟落日神州色長空野客心回憐幽薊月龍虎忽  
銷沉

邑人趙建中登北城樓詩長天何處是君門雲樹蒼  
茫野色昏獨倚危樓搔首望瑤臺風月不堪論

邑人曾學傳登西城樓詠懷江水東南流江草碧如  
油之子志有在來登城上樓民物多乖違和光我所

溫江縣志

卷一

建置

六

川 81

求高駕何時命所願非王侯白衣定四海春風扇九  
州功成不受賞歸臥岷山頭

又阜江雜詠萬戶垂楊裏鶯歌綠滿城秋風吹折後  
空負宰官情柳城天清極萬里氣晶薄千尋海水飛騰

際蒼茫捧日心迎暉樓故里乾坤小春風醉倚樓萬家

平壤接終古大江流萬春樓水抱黃輿轉風從赤道來

幾家蘇病骨臨檻獨裴裒南薰樓鳳去樓空在西山日

氣黃頻年憂藏衛萬境雨茫茫來鳳樓消息神京闕安

危繫草萊每從西極望風雨隔瀛臺望京樓以上五詩皆光緒末年



作

灌縣師表柳城金縷曲詞翠靄春城暮問裊裊垂楊  
七百竟歸何處雉堞參差斜照裏輕抹幾痕煙縷恰  
好似柔絲飛絮鎮日淒涼鶯燕語倩阿誰笛弄梅花  
譜百年事成今古 尋春有客城頭步憶當時織眉  
淡畫細腰低舞是否離人攀折盡空自東君辜負千  
萬點藏鴉已去漢苑隋堤今安在總飄零幻入紅羊  
數頻慷慨登樓賦

城廂街巷

溫江縣志

卷一

建置

七

文廟街

亦名文明街

正街

東街

舊名狀元街以張孝祥得名

小南街

舊名

義學街

大南街

西街

西橫街

北街

有育嬰堂光緒間就北養濟院

改設社學巷

新寺巷

東巷

有養濟院

北巷

何家巷

以上城內

和甯街

蒜市街

東壇街

以上東廂

慶豐街

麻市街

西壇街

臨江街

金烏街

街後有金

烏池故名王家巷

有祝橙野故宅遺址

彭家巷

以上西廂

超然橋街

南廂

縣中署局處所

縣公署在城中正街即舊知縣衙門明末流賊張獻忠



焚燬清康熙三年邑令蕭永茂建修

蕭永茂建修縣署碑記溫江昔號萬春實古郛地也  
自唐遷邑於此遠山秀出近水繞城而縣治之勝遂  
甲觀於西蜀居斯土者士逸農安商工皆烝烝於道  
樂其業而不敢少有所懈或曰風俗使然或曰先勞  
之力故溫治實稱蕃庶焉自故明迄於甲申變亂四  
起省會騷然疆宇竟爲逆賊所據繼以其勢孤無援  
力不能支大肆厥虐戮其民焚其室而縣治亦鞠爲  
焦土予於甲辰歲叨任邑令於蔓草荒煙中謀所以

新之鄉耆父老環聚而泣曰邑民皆四道流寓謀食  
未遑役以進勦遷移數大事民心搖搖靡定創以大  
工也一難慈則爲父嚴則爲仇此民心大率皆然也  
俱各有祖宗廬墓之思勢必盡歸本邑邑而無民與  
無邑同創以大工也二難且也地近省會凡衙署樓  
臺寺觀輒提夫匠佐工民馳於道有恨其技術之不  
良而自斷其手者旣以困憊不堪創以大工是重困  
也三難居此三難而欲官之安民之逸工之成而上  
臺之聞而喜喜而贊之者未之前聞予曰否否不振



於前無以繼其後必居其易何人任其難土地荒蕪  
爾其闢之水利未興爾其濬之桑麻未遂爾其植之  
子孫未賢爾其教之子能獨肩其任斷不爲爾病遂  
具詳於撫憲以暨司道諸上臺俱報曰可愛合夫匠  
趨役者每人給米一升銀二分每十人給鹽茶蔬菜  
酒若干遠近聞之忻然赴工輩以什伯計溫民亦有  
良而佐予之勞悉如數以給之於是誅茆芟荆運斤  
視墨皆竭作以副予志予亦不甚督不數月而堂成  
不數月而內署又成不數月而頭門二門以及左右

書房又成共計瓦屋三十間書圍草屋八楹二載之  
內悉以告竣向日鄉父老之所謂難而不易者今且  
易而不難矣堂成而溫之土地漸闢溫之水利漸興  
溫之桑麻漸遂溫民之子孫亦漸賢而不頑風俗之  
良不於斯足徵也哉噫居官者皆以堂署爲傳舍朝  
而蒞任夕則慕遷孰肯因其有而補葺之孰肯因其  
無而創建之拮据之勞予所不辭更有望於繼斯者  
亦無忘予拮据之勞斯可耳謂垂諸貞珉以示功之  
不朽也則予豈敢



典獄署在縣公署右民國初卽舊典史署改設

警署在贊元門內民國初就汎地改設

徵收局在文廟右民國初就訓導廢署改設

勸學所在文明街清光緒三十三年就萬春書院改設

實業所在北街育嬰堂內民國八年設九年遷武廟

蠶務局在東城武廟內民國五年設

貧民教養工廠在東街民國二年設

菸酒公賣監察所在火神祠民國八年設

地方公款收支所在城隍廟後殿東廂民國七年設

溫江縣志

卷一

建置

十

川三

司法經費收支所在城隍廟後殿東廂民國六年設今併入地方公款收支所

警團經費收支處在城隍廟後殿東廂舊名餉捐局民

國八年改設

團練局在北街勺園舊名五區團局民國八年改設

城區團練辦事處附設團練局

司法警察所在縣公署頭門外民國七年設

懲役場在衙神祠民國八年設

城中勝蹟



龍門在學宮前白龍池上清光緒十六年邑士紳建高四丈二尺形勢雄偉蔚然壯觀

阜江雜詠待看神龍出龍池夜色深勢空凌漢際氣迴壓城陰

文峯閣在南城上嘉慶間邑人胡時超捐貲創建

四水塘同治五年邑令段東暹鑿

水星塘在城西北隅 水德塘在城東北隅

文水塘在城南隅 武水塘在城東隅

勺園在城隍廟後東北隅光緒二十二年創修教諭萬

溫江縣志

卷一

建置

十一

縣杜翰藩題

曾學傳記溫江延袤近百里皆平疇無游觀所光緒丙申鄉人就城北隙區縱橫各數弓滌溷夷污崇垣構左右起樓榭中鑿池半規壘石齒齒成峯游魚數尾出沒其下池畔蒔藤如蛇負壁蜿蜒上庭樹雜卉點綴闌砌供憩賞題曰勺園取約也凡事之可以拓吾民智固宏福林者雖費鉅萬日謀恢張不爲侈苟以斗筲知識營之陋矣若第爲游宴之娛則是區區者斯已可耳呂梁濠濮間趣豈在遠哉今夫大千世



界孕於微塵一粒之中吾意游斯園者多一鄉秀艾  
常以地方自治餘晷相與盤桓上下古今其間烏知  
他日無奇光異彩騰達大地巍乎齊崑崙浩乎比洋  
海茫乎薄宇宙爲世界偉觀嗚呼一勺者不測之權  
輿也君子又何隘乎斯園

公園 在城南方經始構造

圖書館 在公園左同時營造

鄉鎮

東區

溫江縣志

卷一

建置

十三

公平場在治東十里東維新鄉石溪任溪兩水間爲明  
大理卿任公故里

文家場在治東二十里東太平鄉原名安谷場爲後蜀  
侍御史文谷故里東溪經場後溪上有鹽井文氏所鑿  
久堙

清董新策約中美同訪息機莊先赴文家場久待不  
至詩不道印須友行行悵獨遊倭遲穿別徑奧衍帶  
清流地僻天無暑時和歲有秋好懷聊自遣吟望思  
悠悠



蘇坡橋場在治東三十五里東太平鄉以蘇東坡嘗遊其地故名街後有東坡亭久廢清水江流貫場中橋中與成都縣分界場西南有樗齋草堂遺址爲董新策流寓故莊

清夾江李炳奎蘇坡橋詩益益浮春氣芳郊一望中樓依楊柳陌門亞海棠風野水滌洄綠山花合暎紅蘇坡橋畔路沾酒問郵筒

董新策早赴蘇橋待中美詩復踐前期去晨光擁道周泥途艱款段林響激鉤輶彼美遲遲日子懷渺渺

溫江縣志

卷一

建置

十三

秋蘇橋西畔路十里半淹畱

南區

白塔街在城東南隅爲宋張祕閣故里有培風塔高八丈建年失考董新策詩雲封白塔晴疑雨謂此也

永興場在治南五里南維新鄉瀕楊柳江舊爲渡口名游家渡爲趙東垣先生故里

永安場在治南二十里南維新鄉瀕金馬港原名太平場亦名柳江場又名復興場卽劉家濠民國五年三月三十日舊曆二月二十六日四川將軍陳宦之西南總



指揮黃樹成縱兵虐民在此場北

維新場在治南迤西十五里維新鄉瀕金馬江舊有淘壩鎮遺址不復可考

宣家場在治西南十二里維新鄉瀕金馬江里人呼合江殿以場中廟名著稱

川心店在治西南二十里維新鄉瀕金馬江之長灘明末任大理子孫闔族殉難處

西區

陳家渡在治西二十五里全集鄉瀕金馬江

溫江縣志

卷一

建置

十四

川文

趙家場在治西三十四里全集鄉瀕金馬江爲孝婦里和盛場在治西二十里全集鄉瀕楊柳江舊爲渡口卽舒家渡爲竹錦堂故里

鎮子場在治西二十五里全集鄉全節溪經其西南通順場在治西三十二里全集鄉瀕楊柳江里人呼劉板橋曾學傳有民安橋記卽此橋也

吳家場在治西三十五里全集鄉場東南二里有魚鳧王墓相傳墓道寒煙在此

興利場俗呼河壩場在治西四十五里全集鄉楊柳江



經其左金馬江經其右民國五年二月二十八日舊曆正月二十六日吳慶熙護國軍破黃樹成兵於此

同義場在治西北十二里瀕新開江舊爲渡口名郭家筏

廖船場卽廖家船在治西北十五里瀕新開江里人新設市場

清遠場在治西北三十里瀕新開江里人呼止水廟以場中廟名著稱場西有栢灌墓

曾學傳光緒乙未寓清遠場西黃氏莊詩狂夫檣散

溫江縣志

卷一

建置

十五

川上二

幸無能野外風光識我曾籬砦疏疏橫插竹牆坳曲  
曲細纏藤老松臥似蒼髯窈怪石立如黝眼僧白日  
放歌天地闊行藏當不愧孫登

集義場在治西十二里雲溪經場首有踏水橋場以橋名著稱

北區

清平場在治北八里北太平鄉瀕新開江里人呼南嶽廟以場中廟名著稱魚鳧古城遺址在場北其東爲雲樵老人故里



隆興場在治北十五里太平鄉瀕檀木港場西爲向方陽先生故里

曾學傳曰溫邑無巨鎮大者千餘家小者數十戶往往在林野間水竹縈帶樸素成風每旬三日鄉人集此交易亦古市井之遺也當國家盛時人民安業雞犬相聞無非樂土迨清末多盜民國尤熾老弱男女夜不安枕破絮草褥一雞一豕皆不足存富室多遷徙城中幾不能容至前知事楊君家翰力爲鉏匪今明府張君驥繼之吾人乃得寧處烏虜城鄉之治民

溫江縣志

卷一

建置

十六

自爲乎官爲之乎近覽吾百里之內可以警矣

溫江縣志卷一終